

ხ ე ლ შ ე კ რ უ ლ ე ბ ა CAR01.03.15
ა ვ ტ ო მ ა ნ ქ ა ნ ი ს ნ ა ს ყ ი დ ო ბ ი ს შ ე ს ა ხ ე ბ

ქ. თბილისი

11 მარტი 2015 წელი

ერთი მხრივ საქართველოში ტოიოტას ოფიციალური დილერი შპს “ტოიოტა ცენტრი თბილისი“, წარმოდგენილი მისი დირექტორის ირაკლი გურჩიანის სახით, შემდგომში “გამყიდველი“ და მეორე მხრივ შპს “თეთნულდი დეველოპმენტი“, წარმოდგენილი დირექტორის უშანგი კილაძის სახით, შემდგომში “მყიდველი“, წარმოადგენთ ხელშეკრულების მხარეებს, ვმოქმედებთ საქართველოს კანონმდებლობის საფუძველზე, ვთანხმდებით ყველა არსებით პირობაზე და ვდებთ წინამდებარე ხელშეკრულებას ავტოსატრანსპორტო საშუალების ნასყიდობის შესახებ.

1. ხელშეკრულების საგანი

1.1. წინამდებარე ხელშეკრულება არეგულირებს მხარეთა შორის არსებულ ურთიერთობებს, რაც წარმოიშობა შესაბამისი ავტოსატრანსპორტო საშუალების ნასყიდობისას.

1.2. წინამდებარე ხელშეკრულების საფუძველზე გამყიდველი ყიდის, ხოლო მყიდველი ყიდულობს გამყიდველის საკუთრებაში არსებულ სატრანსპორტო საშუალებას.

1.3. ხელშეკრულების საგნის რეკვიზიტებია:

მოდელი: TOYOTA HILUX 3.0. DIESEL

გამოშვების წელი: 2013

ფერი: ვერცხლისფერი

ძრავი: 3000 cm³ დიზელი

2. მხარეთა უფლებები და ვალდებულებები

2.1 გამყიდველის უფლებები და ვალდებულებები:

2.1.1 აღნიშნული ნასყიდობის ხელშეკრულებით გამყიდველი მოვალეა გადასცეს მყიდველს საკუთრების უფლება ნივთზე, მასთან დაკავშირებული საბუთები და მიაწოდოს საქონელი, ამის სანაცვლოდ კი მიიღოს ხელშეკრულებით გათვალისწინებული თანხა.

2.1.2 გამყიდველი ვალდებულია მყიდველს გადასცეს საქართველოს სამოქალაქო კოდექსის 487-489 მუხლებით გათვალისწინებული უფლებრივად და ნივთობრივად უნაკლო ნივთი. ხელშეკრულების საგნის მდგომარეობა და სპეციფიკაციები მხარეთა შორის შეთანხმებულია.

2.1.3. თუ ხელშეკრულების საგანი აღმოჩნდება დაფარული ნაკლის მქონე, გამყიდველი ვალდებულია საკუთარი ხარჯით გამოასწოროს ეს ნაკლი; გამყიდველი უფლებამოსილია უარი თქვას ნაკლის გამოსწორებაზე თუ ეს მოითხოვს შეუსაბამოდ დიდ ხარჯებს. ამ შემთხვევაში მყიდველი უფლებამოსილია მოითხოვოს ხელშეკრულების შეწყვეტა და გადახდილი თანხის უკან დაბრუნება გონივრულ ვადებში.

2.1.4. გამყიდველი ვალდებულია ხელშეკრულების საგნის მყიდველისადმი გადაცემამდე უზრუნველყოს მისი შეთანხმებული პირობებით შენარჩუნება.

2.1.5. გამყიდველი ვალდებულია ხელშეკრულების საგანი მყიდველს გადასცეს დათქმულ დროსა და ადგილას.

2.1.6 გამყიდველი ვალდებულია, მყიდველის მოთხოვნის საფუძველზე, მიაწოდოს მას აუცილებელი ინფორმაცია ხელშეკრულების საგნის ექსპლუატაციის შესახებ.

2.1.7 გამყიდველი ვალდებულია დაფაროს ხელშეკრულების საგნის გაფორმებასთან დაკავშირებული ყველა ხარჯი.

2.2. მყიდველის უფლებები და ვალდებულებები:

2.2.1. მყიდველი ვალდებულია მიიღოს გამყიდველისაგან ნასყიდობის საგანი და ნასყიდობის საგანთან დაკავშირებული ყველა საბუთი.

2.2.2 ხელშეკრულების ფასი გადაიხადოს დროულად და სრულად ხელშეკრულებით გათვალისწინებული წესით.

2.2.3. ამ ხელშეკრულებით განსაზღვრული მყიდველის ვალდებულებები შეასრულოს კეთილსინდისიერად, ჯეროვნად, დათქმულ დროსა და ადგილას.

2.2.4 მყიდველი ვალდებულია გონივრულ ვადაში ჩაატაროს ნასყიდობის საგნის გაფორმებასთან დაკავშირებული ყველა პროცედურა და ცენტრიდან გაიყვანოს საქართველოს კანონმდებლობის შესაბამისად დარეგისტრირებული ავტოსატრანსპორტო საშუალება.

2.2.5. მყიდველი უფლებამოსილია, მოთხოვნის საფუძველზე, მიიღოს ხელშეკრულების საგანთან დაკავშირებული ყველა საჭირო ინფორმაცია.

2.2.6 მყიდველი ვალდებულია ავტომანქანის გაყვანამდე გარეგნულად შეამოწმოს იგი და ვიზუალური დეფექტის არსებობის შემთხვევაში მოითხოვოს მისი გამოსწორება.

3. ხელშეკრულების ფასი და ანგარიშსწორების წესი

3.1. ხელშეკრულების ფასი შეადგენს 50 000 (ორმოცდაათი ათასი) ლარი, საქართველოს კანონმდებლობით გათვალისწინებული ყველა გადასახადის გათვალისწინებით. ხელშეკრულების ფასში შედის აღნიშნული ავტოსატრანსპორტო საშუალების განბაჟების ხარჯი.

3.2. მყიდველის მიერ ანგარიშსწორება განხორციელდება მიღება-ჩაბარების აქტის გაფორმებიდან სამ საბანკო დღეში, უნაღდო ანგარიშსწორების წესით.

3.3 ხელშეკრულების საგნის გადაცემა მხარეთა შორის დასტურდება მიღება-ჩაბარების აქტის ხელმოწერით.

3.4 ხელშეკრულების ფასში შედის ავტოსატრანსპორტო საშუალების გაფორმებასთან დაკავშირებული ხარჯები.

4. განსაკუთრებული პირობები

4.1. გამყიდველი ვალდებულია მყიდველს ნასყიდობის საგანი გადასცეს ამ ხელშეკრულების ხელმოწერის, ან მომდევნო 7 (შვიდი) სამუშაო დღის განმავლობაში. გაუთვალისწინებულ შემთხვევაში მხარეები შეიძლება შეთანხმდნენ დამატებით ვადაზე, რაც აუცილებელი იქნება თავიანთი ვალდებულებების ჯეროვნად შესასრულებლად. მყიდველი თავის მხრივ ვალდებულია ამ ვადაში მიიღოს აღნიშნული ნივთი.

4.2. ხელშეკრულების საგნის გადაცემასთან ერთად მყიდველზე გადადის ნასყიდობის საგნის შემთხვევითი დაღუპვისა და დაზიანების რისკი.

4.3. თუ ნასყიდობის საგანს საგარანტიო პერიოდის განმავლობაში აღმოაჩნდა ნივთობრივი ნაკლი, რომელზეც ვრცელდება ამ ხელშეკრულების მე-5 პუნქტში მოცემული პირობები, მყიდველი ვალდებულია დაუყონებლივ აცნობოს გამყიდველს ამის შესახებ, იზრუნოს ნასყიდობის საგნის შენახვაზე და გამყიდველის მითითების გარეშე არ განახორციელოს რაიმე ქმედება, რამაც შეიძლება გააუარესოს ნასყიდობის საგნის მდგომარეობა.

4.4. მყიდველი უფლებამოსილია მოითხოვოს გამყიდველისაგან ნასყიდობის საგნის დაფარული ნაკლის გამოსწორება; თუ არ მოითხოვს ნაკლის გამოსწორებას და არც ამ ხელშეკრულების მოშლას, მას უფლება აქვს მოითხოვოს ნასყიდობის ფასის შემცირება იმ ოდენობით, რაც საჭიროა ნაკლის გამოსასწორებლად. მხედველობაში მიიღება ამ ხელშეკრულების დადების მომენტისას არსებული ფასი;

4.5. მყიდველს არ წარმოეშობა უფლებები ნასყიდობის საგნის ნაკლის გამო, თუ ამ ხელშეკრულების დადების მომენტში მან იცოდა ამ ნაკლის შესახებ.

5. საგარანტიო პირობები

5.1. გამყიდველი ხელშეკრულების საგანს უზრუნველყოფს განსაზღვრული საგარანტიო მომსახურებით, რაც მოიცავს პერიოდს ხელშეკრულების საგნის მყიდველისათვის გადაცემიდან 3 (სამი) კალენდარული წლის ან ავტომანქანის 100 000 კმ გარბენის მანძილზე. გარანტიის მოქმედება დასრულდება, თუ ზემოთ აღნიშნული პირობიდან შესრულდა ერთ-ერთი მაინც.

5.2. მყიდველი ვალდებულია საგარანტიო პერიოდის განმავლობაში ნებისმიერი სახის მომსახურება გაიაროს მხოლოდ ტოიოტა მობილ კორპორაციის ან მის მიერ სათანოდო უფლებამოსილი ორგანიზაციის ავტორიზებულ მომსახურების ცენტრში.

5.3. მყიდველი მოვალეა საგარანტიო პერიოდში ავტომანქანას ჩაუტაროს სერვისი (მოახდინოს ავტომანქანის ზეთისა და ფილტრის გამოცვლა) ყოველ 10.000 კმ-ზე. პირველად აღნიშნული

სერვისი ტარდება პირობით: 10 000 კმ ან თორმეტი თვე , რომელიც პირველი შესრულება, ავტორიზებულ მომსახურების ცენტრში (“ტოიოტა ცენტრი თბილისის” მომსახურების ცენტრი , ასევე ტოიოტა ცენტრი თბილისის აჭარის სერვის ცენტრი).

5.4. ხელშეკრულების საგარანტიო პირობების დარღვევა მყიდველის მხრიდან იწვევს ხელშეკრულების საგანზე მოქმედი საგარანტიო ვადის უპირობო შეწყვეტას.

5.5. გარანტია ვრცელდება ავტომანქანის ყველა არაცვეთად დეტალზე.

5.6 მყიდველს გადაეცემა გამყიდველისგან საგარანტიო წიგნაკი , რომლის დაკარგის შემთხვევაში აღნიშნული წიგნაკი აღდგენას არ ექვემდებარება .

6. მხარეთა პასუხისმგებლობა

6.1. მხარეებს ეკისრებათ პასუხისმგებლობა დაკისრებული ვალდებულებების შესრულებლობის ან არაჯეროვნად შესრულებისათვის მოქმედი კანონმდებლობის შესაბამისად;

6.2. თითოეული მხარე ვალდებულია ნაკისრი ვალდებულება შეასრულოს დადგენილი წესით, შეთანხმების ფარგლებში. ამასთან, თითოეულმა მათგანმა ხელი უნდა შეუწყოს მეორე მხარეს ვალდებულების შესრულებაში. მხარე, რომელიც არღვევს ნაკისრ ვალდებულებას, ვალდებულია დაუყოვნებლივ უზრუნველყოს მისი აღმოფხვრა;

6.3. გამყიდველს პასუხისმგებლობა ეკისრება მყიდველისათვის მიწოდებული ინფორმაციის სისწორეზე, გადაცემული დოკუმენტების ნამდვილობასა და კანონიერებაზე, სხვა თანდართული დოკუმენტების სისწორესა და სისრულეზე;

6.4. მხარეები ცნობენ და აღიარებენ დოკუმენტებს, რომლებიც მათ მიერ შეთანხმებული ფორმით მიღებულია ფოსტით, მათ შორის ელექტრონულით, ფაქსით. აუცილებლობის შემთხვევაში მხარეები ვალდებულნი არიან წარადგინონ შესაბამისი დოკუმენტების ორგინალები.

7. დავის მოწესრიგება

7.1. წინამდებარე ხელშეკრულების შესრულების პროცესში წარმოშობილი ყველა უთანხოება უნდა მოწესრიგდეს მხარეთა ურთიერთშეთანხმების გზით;

7.2. იმ შემთხვევაში, თუ მხარეთა შორის წარმოშობილი დავის მოგვარება შეუძლებელია მოლაპარაკებით, მისი გადაწყვეტა ხდება სასამართლოს მეშვეობით, საქართველოს კანონმდებლობის შესაბამისად.

8. ფორს-მაჟორი

მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისგან ფორს-მაჟორული სიტუაციის შემთხვევაში. აღნიშნულ სიტუაციას წარმოადგენს- ა)სტიქიური უბედურება; 2)სოციალური კონფლიქტები; 3)საქართველოს კანონმდებლობით გათვალისწინებული სხვა შემთხვევები.

9. ხელშეკრულების მოქმედების ვადა და სხვა პირობები

9.1. ხელშეკრულება ძალაში შედის მხოლოდ ორივე მხარის მიერ ხელმოწერის შემდეგ და ძალაშია მხარეთა მიერ ნაკისრი ვალდებულებების სრულ შესრულებამდე.

9.2. ხელშეკრულებით გაუთვალისწინებელი ყველა არსებითი საკითხი, ხელშეკრულების ცვლილებები და დამატებები ფორმდება წერილობითი სახით, ძალაშია მხარეთა ხელმოწერის შემდეგ, დაერთვის წინამდებარე ხელშეკრულებას და წარმოადგენს მის განუყოფელ ნაწილს.

9.3. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად, რომელთაგან ერთი გადაეცემა მყრდველს, ხოლო მეორე – რჩება გამყიდველს.

10. მხარეთა რეკვიზიტები და ხელმოწერები:

გამყიდველი:

შპს "ტოიოტა ცენტრი თბილისი"
ს/ს "საქართველოს ბანკის" ცენტრალური
ფილიალი

შპს ტოიოტა ცენტრი თბილისის
ანგარიშსწორების ანგარიში—

GE83BG0000000121227200GEL

RTGS კოდი—**BAGAGE22.**

საიდენტიფიკაციო ნომერი: 211346220


მის: დავით აღმაშენებლის ხეივანი, მე-20 კმ

თბილისი, 0131, საქართველო

ტელ.: 253 19 63/ 252 20 22

ფაქსი: 53 05 31

დირექტორი: ირაკლი გურჩიანი



მყიდველი:

შპს „თეთრუდის დეველოპმენტი“, მის. ლ.
აზბეგის 12. ს/კ 236049904, საბანკო

რეკვიზიტები: სს „თი ბი სი ბანკი“, ბანკის
კოდი: TBCBGE22, ანგარიშსწორების ანგარიშის

№: GE72TB73 9763 6050 1000 01

დირექტორი: უშანგი კილაძე

